



UNIVERSITÄTS-
BIBLIOTHEK
PADERBORN

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

xcix [i.e. ii]. Cognitio repræsentans bonitatem finis, quæ talis non est
inadæquata vis causativa.

[urn:nbn:de:hbz:466:1-71607](https://nbn-resolving.org/urn:nbn:de:hbz:466:1-71607)

tem in se & propter se amatam amatur, fit & suscipitur aliud, v. g. propter sanitatem in se & propter se amatam sumitur medicina. Finis alius est *finis qui*, & est bonum illud, quod amatur: alius *finis cui*, & est ille, cui vultur seu appetitur illud bonum. Alius finis *ut adeptio*, & est boni illius possessio vel acquisitio; integrant autem hæc tria veluti partes unum finem adæquatum, & nullus eorum seorsim est aptus movere. Item alius est finis proximus seu immediatus, alius ultimus; hic subdividitur in simpliciter ultimum, qui rationabiliter ulterius referri nequit, ut Deus; & in ultimum secundum quid, seu negativè ultimum, qui etsi de facto ab agente ulterius non referatur, de se tamen ulterius ad alium finem est ordinabilis.

II. Cognitio repræsentans bonitatem finis quæ talis non est inadæquata vis causativa finis, sed tantum conditio applicans voluntati vim causativam finis: quia cognitio non est id, quod repræsentatum movet ad amorem sui, nec ea intenditur ut acquirenda. Est itaque hoc concretum: *bonitas repræsentata: inadæquatè tantum secundum rectum vis*

causativa finis; & dum dicitur bonitas ut repræsentata movet, non reduplicatur vis causativa, sed conditio, uti fit, dum dicitur: ignis ut approximatus calefacit. Nequè obstat, primò, quòd cognitio sit existentiæ intentionalis finis; quia sola existentiæ physica (quæ repræsentatur ut obtinibilis) identificata entitati causæ est vis ejus causativa. Neque secundò, quòd solâ cognitione mutata nunc actus voluntatis producat remissior, nunc intensior, nunc liber, nunc necessarius; nam & mutata approximatione ignis, alius & alius est ejus effectus: insuper, cum voluntas non feratur in objectum, nisi ut cognitum, illudquè possit clarè vel minùs clarè cognosci, mirum non est, ex inde mutari volitionem, quamvis non formaliter intrinsecè, uti fit à diverso tendendi modo.

III. Sola itaque bonitas est ratio formalis seu vis causativa finis; illa enim sola attrahit voluntatem; malum autem est veluti terminus, à quo dum voluntas recedit per odium, formaliter simul accedit ad bonum, cum non dentur actus puræ fugæ; sive non fugiatur malum nisi propter bonum, ita ut tales actus fugæ pro objecto materiali & termino à
quo